

PHETOHO YA LEKGETHO HO TLOHA KA LA 1 MARCH 2021 - E AMANG DITHO TSA LETLOLE LA HO BEHA MEJA FATSHE

Ho tloha ka la 1 March 2021, melemo yohle ya ho beha meja fatshe e lefuwang ke matlole a ho beha meja fatshe le matlole a paballo ya ho beha meja fatshe e tla tshwarwa ka tsela e tshwanang le ya melemo e lefuwang matloleng a penshene, matlole a paballo ya penshene le matlole a anuithi ya ho beha meja fatshe. Sena se bolela hore phapang e teng dipakeng tsa matlole a ho beha meja fatshe le matlole a penshene ha e sa tla ba teng ho tloha ka la 1 March 2021, ho bolelang hore tefo ya setho e lefuwang matloleng ana le melemo e tla lefuwa ho tswa matloleng ana e tla nkwa e tshwana hantle.

MINEWORKERS
PROVIDENT FUND



DITHO TSA MATLOLE A HO BEHA MEJA FATSHE LE MATLOLE A PABALLO YA HO BEHA MEJA FATSHE DI TLA LOKELA HO:

REKA PENSHE NE HA DI BEHA MEJA FATSHE:

- Ditho tse behang meja fatshe tsa matlole a ho beha meja fatshe le tsa matlole a paballo ya ho beha meja fatshe di tla lokela ho sebedisa 2/3rd ya dipoloko tsa bona ho reka dipenshene/anuithi tse tlamang.
- Molao wa karolo ya 1/3rd ya melemo ya tjehele e kontane e le phapanyetsano le karolo ya 2/3rd ya melemo ya anuithi o tla sebetse melemong yohle ya ho beha meja fatshe, ntle le moo melemo yohle ya ho beha meja fatshe e leng R247 500.00 kapa ka tlase.

MELEMO YA BA FINYELETSENG DILEMO TSE HLOKAHALANG E SIRELEDITSWE:

Dipoloko tsohle kapa leha e le dife tse bokeletsweng letloleng la ho beha meja fatshe ka la 1 March 2021 (seo ho thweng ke "T-Day") di tla sireletswa e le akhaonte ya molemo o loketseng setho se finyeletseng dilemo tse hlokaahalang mosebetsing, e tla bolokwa mme e ke ke ya angwa ke diphetoho. Setho se tla ba le tokelo ya ho hula melemo yohle ya dilemo tse hlokaahalang tseo a di finyeletseng akhaonteng ya setho ya ho beha meja fatshe. Setho se tla hloka ho reka penshene/anuithi ka karolo ya 2/3rd ya dipoloko tseo a di bokeletsweng tefong ya setho le ho holeng ha tjehele ho bileng teng ho tloha ka la 1 March 2021 (akhaonte ya melemo ya motho ya sa finyellang dilemo tse hlokaahalang).

Mohlala:

Setho sa hajwale sa letlole la ho beha meja fatshe se behang meja fatshe (ka mora ho fihla dilemong tse tlwaelehileng tsa ho beha meja fatshe) ka la 31 March 2025 se tla fumana melemo ya akhaonte ya setho se finyeletseng dilemo tse hlokaahalang hammoho le akhaonte ya setho se sa finyellang dilemo tse hlokaahalang Letloleng. Akhaonte ya melemo e fuwang setho se finyeletseng dilemo tse hlokaahalang e entswe ka dipoloko tsohle tse bokeletsweng le kgolo ya yona ho fihlela ka la 1 March 2021. Akhaonte ya melemo e fuwang setho se sa finyellang dilemo tse hlokaahalang e entswe ka ditefo tsohle tsa setho tse bokeletsweng tse lefuwang Letloleng ho tloha ka la 1 March 2021, hammoho le kgolo ya yona, ho fihlela ka letsatsi leo a behang meja fatshe ka lona. Setho sena se behang meja fatshe se tla ba le tokelo ya ho fumana tjehele kontane, melemo ya akhaonte ya setho se finyeletseng dilemo tse hlokaahalang hammoho le karolo ya 1/3rd ya melemo ya akhaonte ya setho se sa finyellang dilemo tse hlokaahalang, ntle le ha akhaonte ya melemo ya setho se sa finyellang dilemo tse hlokaahalang e le ka tlase ho R247 500.00, moo tjehele yohle e ka nkwang kaofela kontane.

KGAPHLAMELO YA DIPHETOHO TSA LEKGETHO:

Ho ditho tsa hajwale tsa matlole a ho beha meja fatshe tse ka tlase ho dilemo tse 55:

Ditho tse ka tlase ho dilemo tse 55 ka la 1 March 2021 di tla angwa ke diphetoho tsena kaha Letlole la bona le tla tlameha ho etsetswa diakhaonte tse pedi, e leng akhaonte ya melemo ya setho se finyeletseng dilemo tse hlokwang le akhaonte ya melemo ya setho se sa finyellang dilemo tse hlokwang.

Empa ditho tsena ha di na ho ameha ho hang haeba di ka ikgula matloleng a tsona ka ho dihela, ho lelekwa mosebetsing, ho fokotswa mosebetsing, jj. Ba tla dula ba na le tokelo ya ho tleleima melemo yohle ya bona e le tjehele e kontane.

Ho ditho tsa hajwale tsa matlole a ho beha meja fatshe tse dilemo di 55 kapa ka hodimo ka la 1 March 2021:

Ditho tse dilemo di 55 kapa ho feta ka la 1 March 2021 di ke ke tsa angwa ke diphetoho tsena ho hang. Letlole le tsa tswela pele ho boloka akhaonte e le nngwe bakeng sa bona, e leng akhaonte ya ditho tse finyeletseng dilemo tse hlokwang. Melemo ya bona e bokeletsweng e tla tshwarwa ho latela melao e sebetse hajwale, hafeela ba dula letloleng le tshwanang kapa ha ba boloka molemo o bokeletsweng. Haeba ba tlosa melemo ya bona letloleng la pele ho e isa letloleng le leng, ba tla tswela pele ka melemo ya akhaonte ya setho se finyeletseng dilemo tse hlokwang, empa letlole la bona le letjha le tla lokela ho etsa akhaonte ya bobedi ya setho se sa finyellang dilemo tse hlokwang, e leng yona eo ditefo tsohle tsa setho ho tloha ha a fetela letloleng leo, di tlang ho behwa teng mmoho le kgolo ya tsona. Akhaonte ena e tla sebetse ho latela molawana wa phapanyetsano wa karolo ya 1/3rd le 2/3rd.

Basebetsi ba batjha:

Basebetsi bohle ba batjha ba kenang matloleng a ho beha meja fatshe ho tloha ka la 1 March 2021 ba tla tlangwa ke diphetoho tsena mme Letlole le tla ba le akhaonte e le nngwe ya setho se sa finyellang dilemo tse hlokwang; e leng se bolelang hore ha ba beha meja fatshe, ba tla lokela ho sebedisa karolo ya 2/3rd ya dipoloko tsa bona tsa ho beha meja fatshe ho reka penshene.

Haeba o ka ba le dipotso leha e le dife tse tobileng tabeng ena, ka kopo o se ke wa tsilatsila ho iteanya le Letlole.